



撫雲集卷四

虞山

錢良擇

本庵

七言古詩

鄧尉山看梅

嶺上霜威五更歇
枝南枝北紅椒裂
東風著力送春溫
吹作千山萬山雪
探奇有客携詩囊
穿雲躡屐尋孤芳
路斷峯迴昧處所
茫茫素影連湖光
湖光倒浸山光改
水底瑤枝疑可采
眼眩心迷惱欲狂
舉頭人立梅花海
斜陽西崦鐘聲動
吟魂恍入師雄夢
自驚身亦化梅花
布袍黧黹寒香凍
起趣管兒吹玉笛
側帽高歌浮大白

一曲新聲譜未終座畔落花深一尺

陳搏虎

義烏陳儲善搏虎虎猛遭儲不能武搏虎之暇好讀書
畧通大義知今古燕臺相遇色然駭勇氣迎人不須鼓
叩其制虎操何術微笑謙謙漸傾吐云虎額白力千斤
我力半之以智取人懼其威望風靡不懼戾蟲何足數
爪牙爭敵兵刃銛稍避其鋒殊易與騰躍擊刺變隨機
熟能生巧初無苦今因應募到京城始識人間路險阻
力倍我百智倍千開口舉足皆予侮我能制虎難制人
歸去深山尋樂土

臣瞿啟甲呈進

贈張叟

天都壯士陳神槍別族避他姓以張五十年前擅絕藝
梨花槍法傳南塘黃山白虎橫食人提槍刺虎如割羊
中喉貫項掌托額槍出虎背長二丈從軍殺賊豫楚間
夜奉急檄救信陽賊渠聞名募生致縱兵十萬遮八方
自昏達旦戰且走單騎馳突圍中央一條銀龍攪血海
鉤鎌雨集無能傷洞胸裂脰鳥獸散有娥自稱黑虎王
用矛天下第一手兩手今日分低昂千三百槍變法盡
止倒馬法未試嘗捩身佯作滾鞍墮斜掣白電穿其吭
紅泉噴天頭撞地黑虎斃等白虎僵奇功莫錄大事去

遜世儻屋來江鄉笠冠窄袖新制度屏不著體浮屠裝
皆城面皺垂九十負暄終日頽繩床偶聞坐客談武事
不覺揜袖神飛揚我嘗携酒叩其術巧以神遇非恃強
因叟槍法悟筆法會心顛旭見大娘嗚呼壯士今衰矣
天荒地老人悲涼

上新城王阮亭先生

文之精者詩其尤前人得失迹可求漢魏六朝迄唐宋
異同井井分源流世遠勿論論其近元明二代篇章留
終元之季無一人其格靡曼其辭偷末造維楨以妖霸
朋類相率為蛇牛有明開創乃大振摩天巨刃宋與劉

臣瞿啟甲呈進

海叟骨幹推獨步眉庵才藻兄青丘彩鸞丹鳳昇平瑞
餘子小就非其儔蛩螢鶯燕調自別得意亦復鳴啾啾
北都而降絕繼響詩人極盛詩寥寥叶家騷戶雅徧六
合下至韋褐上冕旒擬金戛玉積卷帙德齊地醜知誰
優彼善於此或間出釣鼈莫下任公鈎茶陵聲望重山
斗浩氣宏大蓋九州樂府雄奇體非古餘體平易鄰於
歐李何穿鑿肆排擊強作解事操戈矛王李後起李尤
劣大名附會歸虬蟬鍾譚更說夢中夢無故剝肉成瘡
疣吾家東澗憤斯蔽盡力褒貶如恩讐快心可杜天下
口黨伐之介難窮搜北宮養勇主必勝盛氣俄逐雲煙

收三百年中兩窮者山陰徐渭吳沈周鬚眉警效儼不
死此真面目能千秋興朝文治四十載奎壁紫燄騰青
霄叶婁江淝水著作手哲人萎矣音容休先生挺生天
所篤弱冠鵬翼培風浮李白千首傳宇內雞林隻字兼
全酬東南學者仰星漢賤子挾策來從遊平生身口耐
寒餓囊無半刺干王侯賣書買酒一醉足滄波隨處容
閒鷗每笑虞翻骨不媚漫希知己何其謬叶幸當吾世
有法眼畢獻所業無待謀棄捐汲引兩不問但問句可
驚人不

記異

臣瞿啟甲呈進

已未孟秋日在翼蓐收司令星居庚涼風不至日如赭
炎炎烈火燒金精都城萬戶午炊熟平地迸出驚雷聲
轟如怒馬蹄奔騰鉤如壘浪連天崩強車百石碾空谷
鼙鼓十面催嚴兵鼉身踴躍天柱折廣軸掀簸如揚舠
河水壁立大木偃丘山城郭鴻毛輕飄瓦漫空飛亂蝶
粉垣比屋頽春冰居人衝突行人仆攀挽撞擊身相撐
牛馬四足強撐拄鳴駝狂象馳風霆淪旋鼎沸終食頃
乾坤依舊還清寧望中忽失萬鷓吻巖牆積處成丘陵
瓦鏢堆中血流瀟碎首折臂半死生入暮都人悖不寢
耳根恍惚啼孩嬰香閨蘭室畏途等羅幃露宿看明星

風聲鶴唳杯蛇影傷弦之羽棲猶驚地坼龜紋深不測
清泉迸出殷如瓊聞說通州勢尤劇塵閭十里平原平
腐儒引据五行志其說膠柱吾厭聽萬屍已橫劫已過
胡乃更目為災青我惟襍被寄廡下怒浪終不傷浮萍
棟折幸未壓子產杯香仍可恬淵明醪醕一醉幕天卧
繩床安穩無敬傾

晚發清豐楊使君葵齋餞於郭門大醉上馬疾
馳四十里暮至開州孫使君青門置酒話舊復
痛飲達旦

頓丘雨霽泥没踝我醉神全輕坎珂匹馬低衝積水飛

臣瞿啟甲呈進

四蹄碎蹴珠千顆情騰頃刻過宣房澶淵太守座虛左
醉語支離道欵曲頭垂眼倦冠纓暉客心易警蠅然醒
失笑驚看君與我半年離別一鐘聲屢夢相逢今日果
趣呼子弟洗觥籌丹砂點漆盤餐夥何異長安餞歲時
饕風虐雪同燈火更深燭跋銀河低留髡更就深窗坐
阿戎吟我昔遊詩絕代燕山花一朶迴思聚散等浮漚
感事懷人淚交墮酒兵欲敗我欲眠試白主人云不可
呼盧更為張吾軍熹微已啟城門鎖

穎川城南遇三叔父秋水弟龔列御張蒼枝同
至西華信宿而別

離家七百有七旬憂愁忽忽忘交親舌強都作燕趙語
吳音到耳疑家人畫卦臺邊躍馬過柳陰忽見單車輪
此看瞳目不能語清淚欲制還霑巾骨肉相逢故人共
此夢亦罕况乃真吾叔長顙黑如舊吾弟少覺子由瘦
龔子松姿分外蒼張郎玉骨依然秀黃塵眯眼何處來
魚困頭然各自救莫向田文話斷梗且尋黃令來醇酎
五人三馬鴻溝來索騎不得止三馬更代以馳城門鎖鑰更深開人
生樂事多意外今夕何夕同銜杯且當彼此賀無恙勿
談家室令心哀我嗟兩歲留燕臺黑貂裘敝堆塵埃身
經大劫幸不死隨所依托生疑猜又將口腹累安邑地

臣瞿啟甲呈進

主劉顥能憐才無成有恨我自嘆繼我作客胡為哉呀
嗟乎鸚決鵬搏俱不易猶對時流誇意氣招隱堂中詩
酒徒散作騷人滿天地明朝分手又千山何年偕遂歸
耕計

何天植自蒲來燕喜而有作

報國寺前與子別秋風初作銛如鐵宣武門外與子見
赤目焦枯赭顏面梁齊趙晉跬步中兩窮帝里還相逢
槐花滿地了不顧且呼美酒洗心胸三年努力事何若
疾陳所得將子攻我聞蒲居萬山中塞路虎兕狼狸熊
士樸民陋不知學但饒歌女如花紅地主李蔡不足筭

此外曾否交豪雄
汰沙琢玉古求友
離羣塊處奚所宗
文章真源出性命
妄人乃謂售者工
我慙失學兼失路
開口伸辨莫我容
時人彈擿等讐敵
弟子木訥如癡聾
惟子好學窮幽討
今朝癢得麻姑爪
乾坤大度恕狂言
不妨話到燕山曉

留宿新城王春穀齋醉後題壁四十句寄上阮

亭先生

春穀先生
主器也

良擇東吳瘦狂客
性直不能儻其脊
十載京華熱鬧場
綾文羞向朱門擲
僦居僧舍依長松
擁書鍵戶如寒蟲
知名之士稍過從
從憎我孤僻快我窮
琅邪先生斯文宗

臣瞿秋甲呈進

見我詩句驚其工
延致與我究絕學
不以禮檢傾談鋒
抉剔漢魏辨唐宋
怪詞駭眾論則公
先生首肯笑莫逆
枯枝一夜花迎風
先生許可時流惡
借棲無樹歸無路
別求售主賣文章
萬里茫茫嶺南去
蹇驢破帽披星霜
便道來謁平泉莊
元禮門前設行馬
八龍兄弟才難當
殷勤款客開華堂
邀我一舉累十觴
為言祖德世澤長

古槐千尺凌霄蒼

琅邪始祖太僕公微時結茅大槐之下
夢神人以袍笏數車徧懸其樹百

年之內

五世子孫登第者
太僕祠前列扁石二如亭畔

羅羣芳

太僕孫方伯公有二如亭羣芳
譜行世刻於吾虞亭至今尚存
子弟詩書遵矩

獲春秋俎豆嚴蒸嘗舊家
閱閱當代少奕葉富貴逾金

張我亦王孫忠孝裔身如一葉飛天地信宿盤桓不偶
然何年更得驅車至題詩留獻鄭康成記取布衣門下
士

羊城秋夜對月作

我齡日弱遠遊始彈指作客十九年非商非官非行脚
芒屨結盡江山緣暫歸或如磁吸鐵一出俄似箭吐弦
北走居庸南至海隻身直貫坤維穿桑弧蓬矢男子事
我則已甚黠自憐讀書吻燥眠生手眼看儕輩皆騰騫
敝貂怕入洛陽里不止負郭無良田艱難既久性情澹
所如不合心怡然譬如飛鳥借樹宿茂林窮野高山巔

臣瞿故甲呈進

暫時棲託無不可但少健翮摩青天此行蹤跡何大遠
一飛倏爾路八千家鄉約畧牛女下嶺南無雁書誰傳
親惟朋友密惟僕外此五倫皆廢旃主人右文敬愛客
香橙柳酒羅芳鮮佛桑紅射目晴熱素月踴躍觸蠻煙
談鋒拇陣相間作醉倒更枕殘書眠忽然夢到九霄上
絳雲襯脚柔如綿俯視九州大盈畝江河如線山如拳
左脚踏吳右踏粵舉步便拂齊秦燕鄙哉人世苦離別
何異隔葉號酸蟬醒來四顧無一見紙窗月影篩青檀
凝思悟徹夢中意一時摧破愁城堅

詩既成有憎予苦吟者再疊前韻

撫雲集

海虞瞿氏鐵琴銅劍樓影鈔本

九歲學詩究聲病嘔心研索三十年偶然會意結成想
色聲香影皆因緣才微力薄不自量弱手苦開強弩弦
精思豈但石飲羽一箭欲射南山穿黃泉碧落徧搜討
有情風雨皆相憐忽入東溟逐徐福忽窮西海尋張騫
蠅聲吽吽出蚓竅反聽自覺雷田田不知心火鍊鬢雪
河魚自煮木自然古人光燄長萬丈恨不奮躍登其巔
口哦筆追盡曛旭書空劃破蒼蒼天寸心有悟遂大悔
咸陽一火燒三千已未秋焚舊
作三千餘首雕蟲刻楮豎子事那能
萬歲千秋傳裂我剡溪碎我硯更不粉墨隨優旃長安
詩人河沙數穠紅竊碧春花鮮妍媸搖手不敢論虛空

臣瞿啟甲呈進

過眼同雲煙此夜青秋身萬里酒醒月好不可眠阿難
聞箏夙習動如體著冷思加綿填胸牢愁鬱欲吐聊放
辣手試老拳擁鼻酸辛客吟越擊筑慷慨人辭燕詩成
欲倩候蟲和嶺南八月無寒蟬多君嗔我意良厚從今
閉口如吞蠶掩關兀兀枯木坐挑燈三復磨堯堅

再渡海

自北而南三晝夜未遭阨難飽驚怕自南而北止終朝
已分必死不可逃重九節過風色惡艤舟十日沙頭泊
一十放舟六舟俱一舟先見吞舟魚舟人剡臂滴鮮血
稽顙禱籲倏焉沒帆高舟去急於箭迴望瓊山遠不見

愁雲蔽海狂風來猛浪撞擊蓬窗開淋頭潑面一而再
舟中貯水幾滿載水鹹凝鹽漬皮毛痛沁骨髓劇火燒
已知求生非我事願餉飢鯨作布施突有青雀鳴檣頭
赤蛇兩角繞我舟舟浮水面僅餘尺隨波下上久不溺
吾形雖苦神不知一靈閒暇將他之忽然張目大驚異
隱隱天邊黑者地黃昏直達徐聞口吾身竟復為吾有
四舟獲濟二舟壞三百餘人二人在兩人抱木浮水學
兩日夜抵北岸
者渡海可試心伯淳之語徵於今若遂沉海亡其身試
心之學問水濱

寄賜谷南交兩許子

臣瞿啟甲呈進

嶺南物產甲天下尋常動植皆殊形潮陽臘月飛燕子
桂花元夕開羊城木棉如毳榕如繖佛桑如血紅無情
樹蘭香濃紫蘭薄大丹鷓翅皆雙莖鐵蕉堅挺鳳凰尾
石栗瑣細鶴鶉晴荔枝風味果絕世日啖百顆我亦能
龍眼呼奴不為屈不如金橘黃柑橙波羅蜜狀類刺蝟
其巨如甕腹彭亨檳榔棗赤間黑枕椰蒞勒森縱橫
青鸞孔雀仙家鳥不知何自來蓬瀛玄猿如漆不盈尺
綠毛么鳳雛於鶯海南珍禽五色雀文彩歷錄如瓊瑛
羅浮蛺蝶端江螺巧樣刻劃繡不成其他凡品多莫記
大都畜眼見未曾頗思攜歸示鄉黨無術縮此萬里程

平生手拙不知畫詠詩肖物難分明對此慨然憶吾友
高陽才子弟與兄難兄詩人曰暘谷作詩出手宮商鳴
神針製錦密無縫雕繪萬象同寫生其弟南交畫花鳥
花有香影鳥有聲偶然點染見新意筆端躍出天機精
安得致此兩許子左羅楮墨右丹青暘谷賦詩南交畫
百蠻風景收吳綾不須退之更作記展卷指點知其名

廣州王將軍贈鑲鐵寶刀賦謝

銳頭將軍印如斗平生肝膽眼前剖似識吳儂氣亦豪
中宵邀客同盃酒酒罷示我鑲鐵刀微聞拔鞘蛟龍吼
一道寒光吐白毫散為紫電騰空走我為寶翫驚且嗟

臣瞿秋甲呈進

何意人間有鑊錙將軍言此手親鑄大食日本徒矜誇
生鐵千斤入爐火煨煉透體紅於霞萬椎索索交加下
鐵甃剝落如瘡痂斤斤鑠盡一斤在無有渣滓皆精華
巧工範此三尺雪用以殺賊如薙麻譬如仙家鍊金骨
肥皮厚肉皆無益九轉成時盡化灰御風真骨從中得
世間神物皆凡質功成便足千金值贈我攜歸助壯懷
書生頗長英雄色

題十八大阿羅漢畫像

李伯時白描真蹟
御賜恭王

釋迦如來大弟子上首十八阿羅漢如來弟子數恆沙
十八尊者為之冠道傳名傳貌亦傳繪畫儀容流震旦

比諸洙泗列羣賢行行閭閻兼侃侃龍眠山人大好手
白描刻劃開生面筆不染色能取神飛動莊嚴森萬變
乍觀布置不可曉侵讓交加殊雜亂察之結構元了然
紫蚓蛇驚一以貫衣袂飄揚手如舞顴頰突兀口如喚
側而睨之有如迴遠而睇焉目如看細如毛髮活如龍
尋其脈絡以指按異哉此非人力為豈有纖芥疑真膺
疑即羅漢化龍眠遊戲神通弄柔翰神物什襲藏天家
不知當日何人獻河間奉賜出殊恩草莽竒緣眼親見
叩首十人起吮毫韻七字偈以讚歎

歲莫彭進士椒岩家宮諭越江招飲

臣瞿啟甲呈進

雪花夜壓長安城凌晨日出千門晴馬蹄蹴玉聲鉤鏗
新昌門巷羅羣英於思太史吾之兄頃侯風骨癯而清
文章同調嚶其鳴朗如一室森瓊瑛聳肩擁鼻青袍生
就坐亦作豪吟聲藹然握臂肝膽傾歲寒天地皆有情
雄談錯落麈竒兵鄉音到耳軟且輕洞庭柑橘淮南杭
紀叟老春樓護鯖恍疑夢入吳中行不知牆角燕山橫
為君一飲一百觥氣酣日落新詩成

送朱莪亭宰西華

昔君獻賦蓬萊宮我方羈旅悲途窮燕山酒壚明月夜
一見識我塵埃中乍交便欲剖肝膽同調快得龍門桐

我生寓內少知己得君魂魄為之融新詩索我陰鏗句
吟成償以琉璃鍾醉來散髮書大字漏痕釵脚交屏風
世人皆曰狂可殺君獨目我為文雄明年秋盡君別我
我亦徧走天南東天涯昔昔夢李白八年問訊茫無從
梁園菰米留賓鴻青檀冷落逾三冬忽復秉燭話疇昔
歎我困阨詩彌工君今小試作縣令借此盆盎騰蛟龍
勿言百里才莫展割雞且試牛刀鋒鴻溝雖號僻小邑
民樸政簡囹圄空我曾十月客其地殷墟漢寢求遺蹤
冬郊飛雪滿天地雪中躍馬鳴雙弓酒徒邀我醉歌院
倚醉闌入繁花叢中有雙鬟乞題扇背燈竊得櫻桃紅

臣瞿秋甲呈進

一時豪縱恍如昨已無閒夢還相逢君往試檢粉牆上
當有殘墨留朦朧見之憶我如得句急走健卒飛詩筒

送許朔方之雲中

甲子之歲夏四月與君總轡遊燕臺君生未習客途事
歷險驚怕如嬰孩北音拗澀茫不曉跨驢顛墮日數回
筋力軟弱觀者哂乃有健筆超羣儕諸公交口為引譽
有娥理鬢需良媒時艱亦復遭蹭蹬拂衣歸去還重來
六年南北席不暖居然奔走堪塵埃斛斯賣文聊作活
雲中太守知憐才飛書遣幣致幕下匹馬陟彼高崔巍
居庸上谷春欲盡羣峯著黛青於苔邊城地高氣爽勁

憑眺所過舒襟懷吊古慷慨男子事况饒歌女蓮花顚
遠遊得此殊不惡毋惜痛飲蘭陵盃嗟我與君伯氏交
傾誠倒意無嫌猜伯仲叔季君最少鬢鬢亦已鬢生頰
伯也年猶小於我我當童豁何如哉送君老淚為一灑
恨無劍決愁雲開人生飄泊無壯士雲霄不遂寧蒿萊
那能長作借樹烏高堂雙鬢霜皚皚受降城雲帝城月
望鄉千里同徘徊

題王石谷騎牛圖

人生書畫小技耳一旦筆墨驚天子長康摩詰如有
靈聞之九原應色喜偉哉石谷一布衣名蓋六合乃如

臣瞿啟甲呈進

此連鑣青紫幾何人浮雲過眼紅塵裏不如牛背白鬚
翁萬歲千秋長不死

賜谷為予作黃楊印章文曰吳越詩人蓋求之
三年而後得之

許子精心事游戲狡獪萬變不可量以鐵為筆石為紙
摹寫篆法追三倉十日五日成一字字成於詫奇無雙
索觀誚我非識者摩挲什襲自寶藏攫之義左不可用
倩其別試昆刀鋌低頭百請不一應促迫責望三星霜
今年六月大暑雨故人留客欣連牀篋中忽出方寸木
觚稜峭厲裁黃楊厄閨老根堅勝石琢磨潤滑生輝光

鑿開渾沌出迹象自無而有俄成章結構謹嚴侵讓活
經營慘澹窮毫芒縱橫恍有丈尺勢火烏赤雀紛翱翔
贈我把翫不釋手歎其艱得喜欲狂我實王孫吳越後
讀書越水吳山旁顛毛半坐苦吟白以詩目我非誇張
詩能窮人有明驗詛我窮耳庸何傷蜀牋紈扇行墨外
丹砂縷縷發古香使我新詩倍生色終慙才薄不敢當
誓竭餘年事錘鍊搜討百怪出吾腸毋使後來輕薄者
失笑許子言荒唐

寄題盱眙李蒼存後圃講堂

昔我遊梁復遊魯言歸取道經盱眙盤旋石磴上山頂

臣瞿啟甲呈進

孤城高出如冠筭雄雄雉堞瞰泗水泗州四面家蛟螭
僧伽塔聳人脚下鐵鎖猶枯巫支祈嵐光樹色忽不辨
千門萬戶皆晨炊此行倏隔三十載紀遊并失當年詩
汗漫論交半天下彼有人焉吾弗知黃金臺邊酒壚畔
邂逅玉樹臨風枝隴西公子負奇氣才名冀北空羣馳
謂當談笑取卿相乃欲結隱歸茅茨家園廬舍後為圃
講堂大啓稱人師吾聞絕學不可講講不傳意惟傳辭
然而不講學益晦此中真為分澗淄六經羣史久蕪穢
所恃講者芸鋤之君今南面擁皋比指南有定途無岐
惜我無成老硯北不能聽講來追隨作詩寄掛講堂上

想見徹講忘言時

陸兵曹揆哉招飲

戊午午月廣陵道夾隄綠水抽新荷偶然邂逅通款曲
不覺同調其聲和從茲並轡二十里西陟磬石逾于河
先生挾書數百卷軟輿穩重雙騾馱我騎蹇驢走蹙蹙
鞭之不進愁陂陀晝行岌岌瞳乎後暮投旅店同呼歌
頓丘城北暫分袂有人誼薄如春羅還來都下喜握臂
賣文為我求常何朔風動地忽別去十七年斷鱗鴻過
飽聞滇粵傳召杜宦囊捆載詩篇多乾坤廣大人渺小
兩地水濶山嵯峨忽然相遇金臺畔方東大帶鳴朝珂

臣瞿啟甲呈進

先生通籍廿五載或已卿相而巖阿敬輿令甫入郎署
仕進亦可云蹉跎天心應欲厚奇士故堅雪榦留霜柯
只今年纔服官政豪氣劍刺生蛟鼉我窮別後益萬態
五鬼崛強不受訶平生僻好惟覓句人復惡我論詩苛
坐是緘口兼閣筆自將禪力降詩魔燕郊月出白如晝
西山牆角浮青螺飛書遣騎召我醉醉倒豈復能吟哦
明朝酒醒了詩債不信請質諸嫦娥

壽吳母

令人論詩異於古靡然嗜好同看花蘭幽菊淡莫一顧
爭愛桃李能繁華更其甚者祝嘏詞羅列蕭艾茅蓬麻

吾亦為之殊自愧賣菜聊塞求者譁清河吳子知詩者
密於逢掖疎烏紗相逢燕市閏端午邀我痛飲黃公家
酒半起言有壽母平頭八十鬢尚鴉子四孫十曾孫兩
恪守庭訓無過差建子之月值初度稱觥不用彈箏琶
謝家羣從業文字願持名篇侑流霞觀光徧訪天下士
拂拭絹素求龍蛇子唱高調削凡響老手試作漁陽搥
我奇吳子意近古善別雅鄭分瑜瑕即韻其語作長句
槎枒枯枿何能葩然而音節已一變其勿謂我言之誇

送孫藻亭州守南歸二十韻

人間誰子無別恨生不識字居窮檐雞埒豕柵武相錯

臣瞿啟甲呈進

乃能晨暮同閭閻不然聚散倏忽耳雖有季主何能占
十七年前始相識我髮漆黑君未鬣霜天擁爐恣歡譁
縱橫百變談鋒銛敲詩訝君何太捷索酒笑我殊不廉
燕山花落忽別去宦遊秦蜀驅形憺乾坤阨塞雁魚斷
眼中萬點青山尖未幾竹林失舊侶臨風慟哭歐陽詹
謂令叔未幾各抱棘人痛兩地呼搶同寢苦雙丸跳躑
芳岩瞬息過疾於五夜投銅籤我行浮海復出塞北躡少卿
南子瞻邇來心枯學摩詰殘骸日向蒲團潛重逢仍在
長安道握手相視悲喜兼為官作客事則異觀河面皴
能無嫌人惟求舊意自浹促坐良夜深盃添讀君新句

甚蒼勁已削浮豔桃香奩我雖衰蠟豪故在觴政不怯
公孫嚴奈何驪駒復遠去文通有賦誰能恬作歌送君
叙離思記取秋夕方明蟾

秋日燕山小集

楊鳧令吳德源白公榮家
亮功同集嚴吉修寓齋

金風夜翦燕山柳客衣單薄涼生肘羈孤押塞無可言
天涯托命惟朋友生不得志逃於狂強事歡謔固可醜
然無俗物虱其間促膝何妨笑開口宣武門內象房西
有人書卷堆窗牖紅塵另闢小乾坤令雨有期誰敢後
霜螯錦鯉丈人雞芳醪可博涼州守大年作詩駕西崑
彭祖鋤經大好手季子寶劍直千金公榮可不與飲酒

臣瞿敏甲呈進

張吾軍者有惠連鐵騎突出追風走跨驢躡屐同時來
六人雁序吾其叟叟年最高興最奇以一敵五賭大斗
拇陣縱橫所向靡靡豪睥睨人知否浮雲富貴死則已
不如逸致差可久雨過蘇端亦偶然佳話胡為今不朽
諸君國器並青霄老我碧山甘皓首一寂能令萬有空
眼前行樂吾消受莫嗟飲罷身無歸醉倒竟入無何有

端表堂文讌二首

陳觀察傅岩
天雄署中作

璧月高映端表堂夜邀賓從登詞場堂中主人敬愛客
置酒高會論文章客云主人富貴畫尺幅價以連城當
絨滕什襲不肖出老我先醉能顛狂起言為樂殊未足

必欲快意觀所藏主人一笑諾其請命開東壁羅縑緗
米家珍祕次第出展之天地為熒煌錦裝玉軸手未觸
十步之內聞古香鍾王顧陸不可見絕筆豈必求晉唐
五六百年名蹟在真膺之辨爭毫芒鬼神呵護歸識者
古人應自慶不亡我聞燕山甲申歲城闕失守民夷傷
上陽白髮老宮嬪手携殘卷泣路旁孝經章句魯公楷
長尺廣丈楮以方吳道子畫古孝子二十四人儼冠裳
百錢鬻諸賣菜翁天球流落來吳閭吾家東澗頓足歎
千金欲購愁空囊不知更歸誰氏手頗疑霆電下取將
君今至寶一何夥終日對此飢可忘我雖據舷叫無益

臣瞿啟甲呈進

不如去入無功鄉

其二

賓既醉止笑闋堂更設幻戲娛當場千朵銀花萬爆竹
部署隱隱分三章暗中忽見一星動洊雷汎發不可當
飛礮躍起半空碎鳴鶻捲地驚颺狂須臾四面火光徹
雖有魑魅難潛藏錦繖高籠紫步障金梭亂織紅縹緗
虞詡之雞楚人象奔突馳驟爭輝煌葡萄滿掛珊瑚樹
梨花蓋地惟無香多寶浮圖忽湧現凌虛樓閣何荒唐
恍惚變化呈萬態欲使星斗慙光芒安得祝融制此燄
永夜焜耀毋消亡從來離止烹飪用之攻戰多殺傷

猛烈可畏無可愛苦寒人始親其旁乃出奇觀眩心目
淫巧誰實創此方灰飛烟燼看未足稍覺白露霑衣裳
如林枉矢忽直上齊貫碧落攢天閭異哉俯首黯自笑
我生所習惟螢囊今夕何夕同此樂豪華氣象願乞將
夜闌入室枕書卧瓊枝寶樹殊未忘夢醒寂寞無所見
孤燈吐穗人思鄉

送友人司馬涼州

白也放筆嘲魯儒老死章句談唐虞螢乾蠹槁訖無就
讀破萬卷胡為乎吾友少年負奇氣毛錐三寸雄萬夫
抱璞而獻屢遭刖步兵所適皆窮途擔簦挾冊走燕市

臣瞿啟甲呈進

上林無樹留棲鳥天不可梯雲路絕珠桂不繼寒無襦
守株待兔真大誤焚棄筆硯事改圖國家籌邊有新令
入粟賜爵供軍輸書生頗工握筭術燕趙秦晉躬馳驅
季布一諾天下重翕然萬派歸江湖三致千金等閑事
規模狹隘嗤陶朱唾手一官若游戲西涼大郡分銅符
丈夫變化有如此何用瑟縮長伊吾吏部堂開看除授
貲郎名姓紛傳呼其中長卿乃傑出韓侯豈與噲等俱
聞君束書滿行笈公退仍復披吟無

苦寒

關蓬閣茂斗插子風來西北天地昏大聲莫曉發何處

猛馬騰蹕狂追奔凡矗立者皆僵仆吹霜噓雪空無痕
一日二日三日止刷掃世界無留温四日餘怒示威力
不動聲色冰乾坤山巒癡頑樹欲槁鳥雀忍餓枯枝蹲
驢騾駝馬牛羊犬毛縮筋攣氣不噴河水腹堅如鑄鐵
禁錮魚鼈蛟鼉龜人之冷暖千其等齊詭凜列無他言
富室羅列豪必倍我不得見不敢論貧家百筭同一策
敝緼力窘楮拙尊祝融炎帝懦藏匿陽烏瞪矚難為思
長安城中且如此想見野外無衣村我裘毛褪僅存鄴
當風那敢求狐狽郊肩島骨聳而耐賴有勁酒成微暄
陶然夢入瑤臺去濃春萬樹花嬋媛

臣瞿敬甲呈進

壽族祖相靈先生八十

吾虞絕學甲天下二三耆舊扶頽風東澗宗伯顧夫子
奮臂力挽江河東推倒李何壓王李襄之鳴者大小馮
吾祖操觚稍後起深思高論班諸公葵丘之會正全盛
宋衛鄭許爭來從先生挺生稟間氣單師突出羣英空
小於吾祖又十歲兄弟服屬七世同平生為學異儕輩
摩尼珠照萬界通六經羣史掌中果獨闢千古開蠶叢
高深淺學不能曉所能曉者詩之工先從漢魏立基礎
繼用唐律精磨礱其健得之曹子建其遠得之阮嗣宗
得李之豪陳之勁得杜之大韓之雄搖手不作齊梁語

而况嘉祐與元豐哀黎入口醒睡眠快劍出手屠乘龍
瀑飛匡廬千尺布箭吐藍田十石弓老氣寒崖偃枯木
古香三代鐫鼎鐘近今求其髣髴者山陰徐渭饒偏鋒
渭能奇拔不能整僅能壇坫作附庸強年射策冠江左
獻賦歸去棲蒿蓬草創大還小有洞冥搜真諦毘耶宮
仙因佛果兩成就翫世遯跡孟鑄中忽然攬鏡筭甲子
平頭八十顏猶紅回首當年老尊宿炳燭紅豆俱塵封
仲恭先生有炳燭齋集
東澗宗伯居紅豆村莊上黨子姓哀落盡吾祖墓木摩
蒼穹風流前輩見碩果古人今日留音容小子卅角侍
几杖即辱指示開愚蒙苦吟亦已雪兩鬢先生視猶乳

臣瞿啟甲呈進

臭童進酒有語請為壽不祝老鶴蕪喬松先生有文垂
後世直與天地無終窮期頤亦復何足道一笑盡此瑠
璃鍾

壽何翁

有明神廟世全盛三吳淑氣占文明吾虞絕學甲天下
吾家宮保司齊盟拂水山莊集名士翁然冠蓋東南傾
爰有諸何建旗鼓後先各以其長鳴雍山言山暨目山
前輩傑出第與兄同時季穆其最著白眉譽聞馳縱橫
士龍君立稍後起懷舊吾矣傳其名羣賢遺澤百年遠
邈然水碧青山青目山後出隱君子紹述家學困而亨

海濱卜築十畝宅瀟灑物外稱躬耕有書堆牀必手校
有酒溢甕常獨醒有花庭院遞開落有客隴畝談陰晴
有脚不肖踏城市胡以遠近知先生先生有子曰應桂
結交姓字聞公卿與我定交二十年每談先德思芳型
兩家門戶近不振達者落落如晨星宮保風流不可作
山莊蘿蘚侵雕甍僅存踈族老孫子茅檐尚有哦詩聲
旃蒙之歲一陽動先生七十方稱觥開筵召我坐末座
滿舉大白浮長鯨江魚甘脆白羊美醉倒絕叫新詩成
詩成應桂起雒誦髣髴拂水相酬賡

文貽問疾賦示

臣瞿啟甲呈進

六月之朔海若怒海風驅海屋頂過新鬼十萬魂何之

浮尸海岸糜掀簸

丙子六月朔海水湧沸廬舍漂沒弱者十餘萬人俗謂之海嘯

六月

之晦錢子病嘔泄終朝廢書卧男呻女吟相聞作其不

病者惟號餓稍厭囂謔攪吾靜方愁忽省亟自賀非引

羣溺聊相形憂樂重關久摧破聰明強健七尺軀特比

螳蟲為差大驅而納諸洪濤中豈怪鬪醜添一箇我既

無恙復知學而不戰勝何其悞卜子戰以勝紛華我將

戰以勝軾軻餓固足樂病尤佳愛我天頒鍊心課萬機

破碎吾喪吾灑然推枕跣趺坐張子問疾無甘辭朴真

近道子庶可叶與子同竊劫外身玉石相劇願毋惰作

詩呈我見若斯子苟然之其速和

鶴臞禪師生日索詩賦贈

白毫光灌虞山阿平地湧出阿彌陀千鈞鐵鑄丈六身
半天肉髻浮青螺荆谿上人願力莊嚴像教留娑婆
像成魔作上人去師來繼席降羣魔瓢鉢蕭然午烟冷
金容露處無笠簑有大長者仰而歎手漉涓滴為江河
空中結構春徂秋倏忽寶殿高巍峩不日成之若神助
師德致此其匪他師以身教不以言澄徹古井平無波
天真灑然萬機碎猜忌者化復者和人無疑信各心折
縱不求度如師何佛欲師建大法幢故遣丹碧開烟蘿

臣瞿敏甲呈進

西方東土咫尺近往來易若穿機梭如來十劫師五表
歲月豈分少與多我慕佛法未能學尚耽佳句成沉疴
師亦索我詩壽師妄中生妄訛傳訛樂邦儻亦容詩人
日與鳥樹相賡歌師其虛無引歸路坐我白蓮花上長
吟哦

從歸令樹借書賦寄

歐曾絕學誰繼武五百餘年一熙甫單詞隻義皆吾師
吾生也晚徒懷古大儒遺澤遠彌新烏衣閭閱世有人

龍蛇翰墨壽金石

幼時見懸弓先生曾授予書法

芙蓉名字騰楓宸

惺崖

宮詹長子三歲幼同筆硯隱顯不同同不朽當年我得追隨久自從

衰病卧茅檐入室無書出無友絳雲珍秘已成塵流傳
手蹟偽亂真世傳太僕手閱書多托名絳雲樓本無一真者每嗟嗜古少同志
不知同志吾芳鄰鄰侯插架三萬軸借我盡意終朝讀
淵明沽酒不須錢好事王弘富醞醪君書不損我腹飽
益思太僕風流好至今後學挹餘芬所惜借書人已老

洞庭奇士行

洞庭奇士天下鮮葉姓忘名字伊緬身長八尺力千鈞
幼事大刀劉將軍將軍戰歿遼事壞棄甲為商買藥賣
昆布人參都魯石捆載去作湘山客湘山毒蟒紅黑鱗
吞盡鹿豕吞居民客之主人利客有詔使入山衝莽走

臣瞿叔甲呈進

腥風激箭劈草開赤舌掉電當胸來客驚一躍起數丈
半空直墜跋其顛更躍更墜如杵椎其勢漸憊無能為
乃飛巨石爛其首徐視蜿蜒八九畝出山言笑等無事
主駭眾疑當有異言之眾憤主無辭謝罪感德爭酬之
歸歿戎器甘簞笠煮茗種花過九十吁嗟奇士奇絕倫
天為一蟒生一人

題嚴翁遺照四十韻

先生名挺字仲甫文靖相國孫之孫少小讀書老不遇
兩丈夫子皆能文伯也負才不受命半生足跡彌乾坤
培風思以一戰霸羊角屢塌垂天雲仲也嗜古識奇字

鈞貫五典通三墳我因友伯乃識仲時與痛飲窮討論
辛未先生壽六十伯乞好句榮其親心知海內尠作者
絕學一綫吾家存大耋詩老鼓瑟翁結交三世情彌敦
毘陵才子亦好手與我鼎足成三人更求哲匠具四美
海昌名士查查田各盤梗語力排莽格在天寶元和間
卯秋伯也薦京兆捷書夜報泥金新空堂罌盎缺儲備
欲致賀客無杯盤嚮時白貸不應者餽肉獻酒盈其門
先生袖手顧而笑俗陋若此劇可憐面無喜色等局外
木石仲御心凝然明年先生得末疾手足不仁瘠左偏
明年先生壽七十扶掖強舉流霞罇明年先生遂長生

臣瞿敬甲呈進

嗟來桑戶還其真音容邈矣難再覩虎頭粉墨能傳神
老梅花下盤石上含嘔欲語如生前嗚呼先生布衣耳
立功立言無足云然而立德罕知者有知之者罕能宣
平生學近老氏學守雌守動以天或逢華臉以朴勝
或接強悍以柔全人所必爭乃獨讓人所不樂能安焉
善人足為鄉里式晚節乃更逃於禪其不見者不可及
歿光養晦令人難畫不繪心惟繪貌孝子志欲揚清芬
託之文章庶可久史筆艱得誰取信叶毘陵海昌新得
路念舊未暇及隱淪鼓瑟詩老墓木拱老我留此未死
身草茅側陋人不齒况少筆力扛千鈞索我賦詩我辭

謝強我醉我中山春我聞文章千古事子雲且待異世
傳我詩核實無溢美為我刻石沉諸淵我死數十百年
後世莫記其賤且貧淵枯石現此詩出當有識者味其
言殘編斷簡競傳誦論世乃信先生賢

和沈客子借棲詩

黃金臺邊布袍客窘步偏側如衝泥騎驢貧賤舊徒侶
騰趨盡化追風蹄固窮餘我傲且拙猶未歸去甘黃蘗
恥干朝貴愛熟客何異捨穀而求稊東陽瘦沈共蕃榻
昔昔起聽劉琨雞忽遣雲駟致蘇蕙一枝借作雙鴛棲
小庭編竹清防潤矮屋糊紙承塵低當階綠樹蔭窗牖

臣瞿啟甲呈進

其下雜卉紛萋萋康成室置讀書婢玉川門立長鬚奚
有時邀客恣吟嘯索酒便可謀諸妻疎簾清簟軟紅隔
辟塵疑有通天犀客居况味苟如此何妨輦下頻年稽
我從失意夢漸醒心枯惟嚮阿闍黎息機有策今已決
結茅江上鋤春畦那能役役逐肥馬問津垂老途猶迷
逝將別若返十畝長歌桑者閑閑兮

題客子冬郊調馬圖

我昔揚鞭走沙漠驚沙打面如飛礮十萬軍中一布衣
馬頭六月霜華落黃羊馳突過我前縱轡直出騰雲煙
麗龜一箭飲其血淋漓喉吻流甘鮮陰山絕險世無比

更過陰山四千里地窮糧盡水草竭羶酪難求餓欲死
徒步生還十四五得歸倍憶邊庭苦腰倦面黑手足皴
至今騎馬如騎虎休文後人今詞伯神清身乏勝衣力
騎驢猶恐躓而僵畫中却作英雄色我欲入畫則不然
生絹一幅圖林泉紙窗竹屋矮檐下枕書開戶看山眠

長短句體

寄友人索畫

王子工詩復工畫我不能畫能知詩以我詩意乞君畫
為君一一詳言之我詩慕沉雄俎豆子美兼昌黎請以
韓杜筆畫作千巖萬壑煙霧紛迷離我詩愛閑澹浩然

臣瞿啟甲呈進

羣王皆吾師請以李孟句畫作澄波細浪萬頃清漣漪
或為險怪李長吉幻出老樹崛強挈蛟螭或為寒峭孟
東野添以棲鴉握縮蹲枯枝母為齊梁闔靡豔塗鉛抹
粉堆臙脂母為韋許太平弱疎花凡木徒紛披諸家之
體良各異兼撮其妙原無岐如蠶採花釀作蜜殷紅竊
白消歸無有甘如飴筆端自有真面目腕中三昧君其
知畫家之法可不備詩中之趣君其為我深長思

七星檜

道裕築壇按七星植檜其上拱太清質堅根固地力足
蒼皮翠鬣垂千齡或聞夜作瘦蛟鳴或見晝被雷斧轟

四樹先亡三樹在吾猶及見其縱橫南東二樹大風拔
東北一樹孤崢嶸龍鱗剝落爪牙出偃如搏攫歎如擎
其長百尺圍合抱仰觀當應瑤光精虬枝已易十三姓
颺風劫火留餘生屹然勁骨竟不朽不知人間桃李幾
度爭浮榮

怨歌行為漁陽總戎侍姬作

妾本姑蘇女幼孤身姓呂十二未有家依兄事機杼兄
有密客茸城來自言寡嫂饒於財中男生與妾同歲屬
客來往為良媒納徵納采白金百已掃姑室安粧臺奉
姑作母伴姑宿海棠留待東風開親串相看慶得地收

臣瞿啟甲呈進

拾瓊華簪象拂黃昏蕭管趣登車兄歸妾去無疑忌蕭
管聲停鼓鼙作車前擁塞貔貅隊下車猛唱拜將軍驚
號不管鶯吭碎將軍南面氣如虎故對蛾眉逞雄武按
劍猙獍選妓師差分等第教歌舞火輪羊角九迴腰絃
索邊關十番鼓晝夜傳催較短長左置鞭箠右刀斧釜
魚籠鳥死須臾夢魂何暇思鄉土忽然詔下殺將軍盡
籍賞口頌功臣再生那敢怨飄泊來事漁陽今主人主
人仁厚垂拂拭舞帚歌袖常鮮新吳音十載不到耳乍
聞君語心酸辛請將血淚侑君醉莫忘行酒纖腰身還
鄉問訊還報妾妾兄何似當初貧

蕭貞婦詩

乙酉七月兵屠城六千三百冤屍橫閭閻良賤俘掠盡
有婦慘死全其貞婦死之時吾始生今吾告者婦之兄
誼詢反覆無謬誤以詩作傳傳貞名貞婦許媛適蕭室
少通經史工詩律蕭郎癡絕不知書既嫁幽憂遂閣筆
焚殺烈燄虞山來自愁美麗且召災計迂思改男粧走
顧盼難肯方徘徊亂兵突至前揮刀墮蕭首爭先欲犯
之上下莫措手襦褲密縫牢大罵不絕口擁抱無策禦
伺隙齒其肘肉落嚼而噴云我豈啖狗逼脅力已竭舉
刃刺其陰逆上拍刃背剖腹剗胸心婦死羣克亦垂淚

臣瞿啟甲呈進

駭歎奇節曠古今取腸寸截競分佩香勝蘭桂椒檀沉
兵去一月餘有弟求得姊肌膚慄霜雪瞪目如未死并
收蕭骨葬同丘婦無臟腑夫無頭頭斷帶髮可不憾臟
腑則碎完身留吁嗟呼吾聞女為悅己媚婦無悅者死
無懟慥弱悒釵正氣存拚將一痛驚天醉

征人婦

戊午午月哉生明我自武陽來阜城道傍驚見兩少女
相對慟哭將捐生立馬問是誰家妹崔家姊妹兵家婦
良人同井耦而耕吏點中男驅遣走鄭郎飛騎疾王郎
弓弩手相繼從軍出散關舅姑俱沒同依母家貧織帛

縫寒衣秦川路梗行人稀經年欲寄不得寄未敢典鬻
謀其飢鄰商來自金牛道傳說殺人如殺草哥舒失筭
陷偏師獲索乘機偷大燾出門火伴數輩俱彼此消息
片紙無二女心同夢魂異各以凶吉占其夫今朝火伴
携緘至失喜謂是平安字開緘絮裏血模糊寸寸王郎
刀斷指遺言白骨重難收稍拾殘骸報妻子阿姊倉皇
問鄭郎已先改戍征邛崃西南險阻沸蜩蟬又隔千山
與萬水死別生離等不歸地久天長人已矣吁嗟乎望
夫身今若此

西域貢獅歌

臣瞿啟甲呈進

著雍敦牂斗西指西域來朝貢獅子巨艦乘風載獸王
破浪東行六萬里司天遠臣利類思繪圖作譜詳言之
其詞侏儻不可曉我更考詢繹以詩獅子狀同種有二
垂毛最猛拳毛次黃白青藍四色殊頭高肩潤脰尻細
赤舌碧眼銅鐵額巨口長牙排劍戟爪分十八利於刀
愛惜鋒鋸避砂石獅爪前五後四不怒而將吼必舐脣
敲骨出火飛青燐怒則以骨相攻之愈急行愈緩不畏
矢石攢其身獵人迫之至食獸食生不食死食人食強
不食弱遇男女同行則捨老食壯天與異氣雄毛羣乃
復制之以病瘡獅善病瘡一月不可言最憚雄雞鳴尤患車

輪聲二聲豈有害相及莫解恐怖於何生探得其兒甘
就縛尚餘慈愛如人情獅無檻致之法惟探穴取其子則貼伏求代既服更不復肆
詔命服不氏試以象與虎虎顫不能行象伏面貼土以
掌擎豬羊一吹毛落雨若遺產中華聞韶可率舞吾聞
故明神宗朝貢獅隸以鐵作牢野心久困忽不樂不食
不飲據地號掉尾一掃鐵牢裂破關壞辟騰身逃神物
難以人力勝豢養扞衛皆徒勞方今全盛時珍奇遠方
至嚮化固可嘉恐非 聖人意 聖人抑勇而崇仁仁
覆六合萬國賓鳥獸咸若悍橫馴不生獅子生麒麟

題栽亭小像

臣瞿啟甲呈進

漣漪水色侵衣碧榮木高臨大湖石石上何人據素琴
跣足科頭好顏色欲呼與語坐不起廣額疎眉似相識
客疑此是義熙人我曰非也山陰客山陰客字栽亭胸
中有經史眼底無公卿如桐之孤如石瘦如琴之靜如
水清軟紅塵土長安城對之兩腋清風生若能拉我入
此畫畫中應有哦詩聲

醉中放歌送王電青應試

吁咄哉王郎抑塞磊落之奇才胡為年過三十貧賤走
塵埃大梁歲莫北風急敝裘破帽風中來歲歎黃壚少
佳釀且沽濁酒與君痛飲三百杯盡歡此夕休辭醉丈

夫行矣夫何畏共工撞倒不周山未聞腰折頭顱碎王
郎胸膈填咽不平鳴喉吻瑟縮無雄聲我作放歌壯君
行王郎歌之當能以氣吞羣英

壬子五月過鄱陽湖風雨大作俄而開霽畢見
廬山面目壬戌五月又過之雖天晴日明而廬
山雲埋其半湖心白浪排山掀簸昏眩不知所
出舟中堅卧吟詩詩成而濟

匡廬山翠迢迢鄱陽水白滔滔奇觀絕勝魁南條我行
天下十六七無如此水之廣此山高昔年五月揚輕舸
打篷急雨聲蕭騷中流日霽雲霧盡半天浴出青瓊瑤

臣瞿故甲呈進

我作廬山詩險勁學孟郊十年一噩夢又逐孤蓬飄山
容水態固無恙看山渡水詩人霜雪生顛毛湖口帆開
風怒號萬峯却走如奔逃一峯屹然獨不往乃是五老
拱背摩層霄山神有心秘靈異白雲百巾緘封牢不知
白雲之上更復幾千尺但見輕綃敗絮蒙其腰眼雖飽
玩身不穩猛浪舉我空中拋扁舟如踟躕豈止附桔槔
擁被僵眠不敢視砰轟耳畔鳴鉦鏡撞擊漸久神漸定
忘其生死還長謠吟聲軟趁波跌蕩詩思亂湧隨驚濤
須臾詩成舟不動已報縛纜吳城坳終食之間三百里
推蓬回顧五老依舊雄峩峩登厓舉步眩欲仆脚底大

地猶搖搖忽憶我祖蓋世豪強弩射落東海潮我今心
膽一何懦僅免瘦骨甘饑蛟望湖亭下萬舫集皆言性
命懸絲毫吾儕獲濟神所祐令公祠內酬牲醪吁嗟行
路難辛苦求錐刀我雖貧賤食奔走夙昔雅願追王喬
遙想山中人餐霞弄月方逍遙終當跨鸞騎鳳飛上此
山頂笑看下方往來舟楫何其勞

惶恐灘

順若崩逆若登逆上尚可強牽挽盡力爭順下不可知
舟碎無全生人間順逆盡惶恐何必此灘專此名

長樂榕樹歌

臣瞿啟甲呈進

嶺南榕樹多如麻其生十七近水涯根蟠土上枝虬曲
低庫壓頂色濃綠大者尋常可蔽牛惟有長樂一樹蔽
象無餘留異哉遠望不似樹疑是青山平地虛湧如饅
頭其本圍徑十九抱其蔭自南徂北八十八步猶未到
日月行天光從四面來直上仰看無一竅託根官署堂
之前蓋覆比屋左右數十椽庭中雨露霜電皆絕跡所
能入者迴風旋雪與輕烟年年颯作不能撼旱潦何所
加損焉不材又免斧斤患以理臆之此樹之壽當齊天
吾聞大地之氣洩於木盛衰非盡由寒暑偶然地氣鍾
此中土膏泉脉爭為福吁嗟乎嶧山桐徂徠松萬千難

保長青葱楸楠遭伐柳遭折此樹得天何獨豐汾陽富
貴彭錢壽人則有然物亦同君不見菩提樹在無何鄉
蟠桃若木亦與舜花朝菌同虛空

海雲

癸亥閏六月我赴高涼城肩輿晚過電白縣縣南劈面
奇雲生危峯樞樓作人狀攫拏怪獸相搭撐靈芝千朶
結華蓋雜以大樹垂枯藤玲瓏刻劃屹不動團酥撥蠟
寒而凝從來看雲看天半未見壁立如圍屏去人纔百
步疑可躡以登行行漸近雲脚出濃鋪水面厚且平青
銅鏡面堆積雪倒影入水交峻嶒我疑問居人此水為

臣瞿啟甲呈進

何名蠻丁掩口笑容眼應未經是即大海水雲外皆滄
溟偶然雲近岸邊起留此一道溝渠清有時百怪作狂
雷急電從中騰有時隨風散頃刻滅沒餘空明無風海
不波則無變化形其久或終日不騫亦不崩我聞思其
理諦視不轉睛若云蜃作樓此恐非所能其身雖巨百
丈耳胡乃千里排崢嶸若云海吐氣天地呼吸本不停
浩瀚何從得唇吻乃虛鬱結成薰蒸定知馮夸宮森森
府神靈嬉戲剏蓬島蛟龍各呈能我欲駕飛橋伸手摩
其稜堅牢儻可藉卧聽天雞鳴又欲擢輕舟直貫其中
行羣仙如靚面當舉我以升斯須路轉入山谷望而不

見猶餘情海若興雲我得句無端幻跡同時成

送許霜巖宰陳留

君不見炆欽昔傳周氏經遂以文學登廟廊又不見桓
榮自詡稽古力車馬印綬何輝煌後來定為制科法束
縛豪俊如驅羊得者躍以逞失者躓而僵得失之故莫
可以窮詰或曰命也非文章百戰百北無變計坐見鬢
髮堆秋霜嗟彼腐儒不知權任爾硯穿穎秃烈火燒衷
腸吾友有許子才名噪錢塘望之器宇類卿相肥白如
瓠頽然長陳平美好豈得久貧賤乃竟十厄槐花黃八
年都下汗灑血絕倒寓內無孫陽何物天公敢終困男

臣瞿啟甲呈進

子裂碎蠹簡燒螢囊匹馬走咸秦為國綏流亡中澤哀
鴻既得所勞績例以百里償陳留東漢股肱郡得之可
試牛刀銚此非許子志聊借捧檄娛高堂然而讀書成
進士起家縣令者其常子今惟欠一第耳出身分別爭
毫芒繭絲保障努力展好手蚤使名姓標循良出其所
有為世用何如紙窗篝火瑟縮號寒蠶我與子交垂十
載迹疎心密形為忘子才縱橫倍我百我惟詩筆差堅
強吟詩送子郭門外從此雲樹遙相望我將拂袖歸山
弄明月不復與子奪路誇騰驤

嚴節婦詩

撫雲集

海虞瞿氏鐵琴銅劍樓影鈔本

天虐奇女等奇士有能奇者必虐之疑天實愛此間氣
不虐無以成其奇困厄顛倒窮鍛鍊使可萬歲千秋垂
昔人確持此論者後有永叔前昌黎我今觀見奇女子
不見奇士亦已而我友嚴子坪示我讚佛詞語質意悽
慘我訊作者誰嚴子歎息言家有七十發世父娶沈復
娶袁袁歸一載夫病危六年牀褥遂長往有女無子無
立錐身殉夫骨何所托未亡人請為孤兒鬻指盡曠旭
豈求禦寒飢奠夫奠沈嫁其女女亦失偶孀相依血乾
髓竭肉枯槁留此鐵骨撐霜皮搜索五內無剩煖冰雪
凝結心肝脾慟哭四十年荼毒甘如飴皈命西方教俱

臣瞿啟甲呈進

誦無廢時衝口忽成章莫之為而為旌門綽楔有舊典
袁窮無告何人知闡幽揚善立言職求有言者先生宜
我素事佛人聞此深思惟佛法重苦行行苦則悟隨木
魚經卷生飽食睡夢死盡空門尼袁之異尼止兩鬢苦
倍尼百心忘疲磨鏡發光明其理無可疑是真奇女子
紀奇我敢辭子長筆以奇試力我亦為袁為此詩

撫雲集卷五

五言律詩

金山

萬里江流盡危峯勢獨尊
迴狂饒勁力據險奈孤根
轟嶺分天柱崢嶸擅海門
蛟龍試雷雨吾欲看騰騫

闕里

泥首崇階下何能吐一辭
却因入廟日迴憶抱書時
古榦摩庭檜神莖拜墓著
有知輸草木猶得被榮滋

旅舍卧疾合泚龔宗伯贈表賦謝

撫雲集

海虞瞿氏鐵琴銅劍樓影鈔本

臣瞿啟甲呈進

塞鼠白於銀為裘暖病身曉吟風減力夜醉月生春布
褐無豪習乾坤有凍人百金驚拜賜跋踏過懸鶉

潭州

碧樹暗江皋三相以漸高煙霞有漁父天地盡離騷臺
廢摩殘碣城隅有瀟湘八景臺舟停得凍醪長沙太守饋桂酒醉吟成楚
調漂泊不能豪

甲寅人日作

密雪兼冰積狂雷夾電來火難晶柱折礮擊玉山開敬
怒因疑瑞祈豐莫識災占天非我勤護草堂梅

虎阜中秋紀事

臣瞿啟甲呈進

廣石千人醉嚴城萬戶災嘈嘈歌曲歇出出叫聲來赤
映冰輪熟香知繡閣灰豪奢端召此裨竈不須猜

示內二首

已辦黃門淚秋花忽告祥桂開旁死魄蘭吐返生香內病
瀕危孟秋二日庭桂盛開盆中建州也識終離別能無
望久長且留癯瘠骨永日共糟糠

其二

生作黔婁婦無心厭苦辛六親憐汝默千室首吾貧絺
綌温殘臘瓠瓜飽浹旬秋日斷炊烹瓜瓠雜糠覈代米辟纊安分好綺
閣彼何人

寒夜大醉朱莪亭寓齋

酒陣深宵合平明戰愈麈諸君盟息壤賤子狃蒲騷輕
進長鯨困知難匹馬逃不愁醒眼笑有得在塵麤豪

偶然作

有詔興文治林泉喜氣生 九重求好句六合走才人
應律皆金石來遊即鳳麟煙波有愚叟蓑笠自垂綸
出都留別鄧肯堂何天植

一載客燕市荆高相對貧命途乖類我天地薄於人計
拙勞鑽石文窮老斲輪此行休惜別勉愛劫餘身

鳳陽道中

臣瞿啟甲呈進

山湧不窮色人行可畏途松醪孤店貴麥飯舊陵無堡
廢餘熊館林空落鳥都黥教休捧食白骨已多枯

上元

海畔銷鋒鎬樓前賜酒醪香輪隨月轉火樹入雲高度
曲千紅豆開簾萬絳桃繁華滿天地我亦暫時豪

聞介眉禮闈下第

一第豈過分况君非少年大雞利硬嘴俊骨騰空拳童
僕哀新敬風雲筭後緣關心老兄弟萬里為潛然

盱眙晚渡

不分淮與泗惟見白無涯城刺一尋土魚居百姓家往

來爭彼岸生死託浮槎達命吾無懼豪吟劈浪花

皖城午日

雄郡逢佳節人聲沸夕暉球從高樹落其俗簇葵花作大毬懸樹龍

遠大江飛蒲酒瓊波綠鱗魚雪片肥五年當此日不得

侍庭幃

洗夫人廟寧濟公馮寶從祀寢宮

世亂雄豪盡功名屬婦人雙旌三姓重梁陳一劍百蠻

馴夫爵從妻位寶以夫人功歿後贈爵孫謀代子身寶子嗣立有異志夫人囚

孫立英魂如不散側貳定稱臣

瓊州雜詩五首

臣瞿啟甲呈進

地外更有地瓊州隔九州波濤圍廣土阡陌見平疇全

地多險仄至瓊始見平壤浮粟甘千室瓊水皆鹹一郡俱汲浮粟泉東坡所鑿沉香價

一牛牛一頭易沉香氣昏開霽少北客畏窮秋

其二

四州環作鎮崖儋萬五指轟其中五指山黎女花為體

黎女將嫁刺猺丁竹作弓檳榔供菽粟海南五穀不生米麥皆以檳榔

易之蛟蜃等魚蟲南去更千里崖山大地終

其三

動植皆殊狀蠻方別有天柑黃長類枕蓮碧小如錢得

酒江鱸嫩經風石蟹堅羅生饒瑣細莫考景純箋

其四

所見雖非妄傳聞尚可疑和羹惟汲水海水即鹽不待熬煮種樹

盡無枝木皆直上無枝本鼉目金輪湧志載前明世宗時夜半忽光同

白晝居民莫曉其故後有海賈鯨鬚赤幟馳坡公謫僭

云是夕鼉魚現兩目大於月輪鯨鬚赤幟馳坡公謫僭

海訪之遙見紅旗連巨數十百其行居人恬怪事翻

其五

海山靈氣積相繼偉人生孫子衣冠盡烝嘗禮數輕文丘

莊海忠介祠宇僅存後人哀微殆盡姦偷成習俗誦讀止虛名若用捐之

議吾應無此行漢賈捐之議棄珠崖

臣瞿啟甲呈進

過亡友沈秋士墓

墓草猶含綠攬蓬忍不悲清寒傲為骨四十死於詩縱

酒非狂客參禪近祖師臨行惟別友無語及妻兒秋士疾革

賦臨行別友七言律詩八首而述

送琅邪公奉使祀南海三首

海市天南面神居地盡頭重臣承命出祀典及時修旌

節千山迴滄溟一葦收文章貫朱鳥應是到炎州

其二

禮樂開荒服冠裳拜海濤薦薌霑渤澥飲福到鯨鼉

助雲車出地地蜃市高祝融驅百怪踴躍迎旌旄

其三

想像舊遊地臨風送玉珂登樓故人在

謂鐵樵觀察

過嶺大

觀多荔酒紅螺淺搖姬紫紵歌好題山石句永鎮海揚波

友人對客指予曰是以詩得大名

詩豈沽名具千秋見肺肝鶯花窮細膩天地改悲歡身死知音出人生好句難長吟四十載一字未能安

暮晴二首

已判雨徹夜仰驚青見痕電巡遙野盡月貫破雲奔積水喧流惡羈人盡感情書窗新爽燈火媚黃昏

臣瞿啟甲呈進

其二

商氣淺猶嫩秋因雨後加危機兆落葉冷致在疎花樓閣罷團扇乾坤又暮笳昂頭成一笑歸計不如鴉

春晚

雨過斜暉出牆頭見碧岑幽香虛室敞濃綠小庭深花盡觀空眼雲開獨坐心市朝多樂事吾向此中尋

大風

寒勁有如此得毋干太和樹高其勢殆庭曠所聞訛未礙老夫靜恐於棲鳥苟十年謝河海不復憚驚波

五言長律

潮聲十二韻

海若於空濶乘秋意氣雄勢騰鰲極外嚮沸若華東
司磔乍奔突砰轟急戰攻望洋人失靜發難容愁聾
猛馬蹄衝陣枯林木嘯風鞭雷搜鱷窟伐鼓破鮫
宮山震盤根動江鳴去路窮疊來何洶洶忽散尚
鏜鏜喧寂三時信呼號一怒功先聲奪強弩餘勇
讐孤蓬溟渤長吁急乾坤鼾睡同不平俄頃息萬
籟索然中

雁字六韻

滄江天末見疎密寫清秋隊整分行過飛高取
勢收斜成人遠去直作一橫留失侶孤懸點迴羣
猛下鉤書空

臣瞿啟甲呈進

雲易藁印影洛呈疇莫笑頻年客文章布九州

亞聖廟八韻

聶扇豐碑古虬龍翠柏秋儀容幸瞻岱馨效想居
鄒軌物傳彝鼎冠裳見冕旒慈幃猶逮養傍祠孟母利國儼從遊
利國侯樂正子從祠井廢苔生碣道旁立石曰滕塋低草蔽丘孟墓
甚小規模甚小統亡韓愈歎旨失趙岐憂陷溺吾生恨鑽踰此日
謀慨然千載上寂寞禹功留

病起書懷寄呈確公三十韻

卧疾逾三月艱難幸再生換形留髣髴撫骨出崢嶸
痛定神猶悚痊遲願已盈誠知此身幻其奈所親驚嚮恃

健如犢新疑飲遜鯨暗衝堤壞塹突至礮摧城遂尹冰
牀巾來囚火甕盛攪胸長劍利碎腦洊雷轟勢猛何窮
極端多屢變更訊醫紛喜懼投劑互輸羸偶開噴兒戲
潛啼覘婦情巫誇言必中婢怨夢難成靜念浮華質都
從入草萌亡羊等臧穀化蝶判殤彭剛暴狂飈捲溫柔
細縷縈主忙疲應接魔虐肆縱橫欲避追俄及將攻敵
預迎另排空濶陣大展寂寥兵盡轉貪為捨全憑讓勝
爭睡經終夕穩醒覺四肢輕雪霽春初動風調水自清
乃諳無病地非可有心耕凭几徐徐立循牆冉冉行九
秋千冥眩今日一孩嬰危脆殊堪悼康強豈遽亨翻因

臣瞿敬甲呈進

嘗楚酷漸得啟光明鏡垢資磨拭金糶仰煉烹好搗塗
毒鼓永斷種愁莖正命思玄覺忘言慕淨名便當拋藥
裹來看捧高擎

出都留別當湖沈古培海昌查荊州同里戴介
眉陶子師何天植四十韻

憶昨庚申歲重遊輦下時一身披枳棘四友結堦麓初
以文章合終因臭味宜眼前肝膽剖夢裡笑言隨各怨
淵明誤勤攻貌辨疵爭先為脫畧相戒話淒其諧諧雖
踰矩觀摩實取資雄兵排鐵騎絕調鬪冰絲刻劃傳心
印麤疎召口碑豈憂皇甫謗所媿孔融知聽雪宵同被

尋芳曉並綏分襟纜數武短札已交馳春去燕山外人

來易水涓天植仲夏方至竹林添舊伴蘭畹得新枝炭熱拋書

卷顛狂覓酒卮銀惟索滿金主不論誰未飲神先旺

將酣語益奇病查愁巨竿顛沈拗殘棋戴老誇端靜陶

君負跣跣何郎驚側耳張子倦支頤及門張子鄰媪憎每集必預

敲鉢羸童怨捧匜醉成懷鶴卧飲友人家予醉袖其所畜馴而卧次日酒醒

自懷中病累典裘醫新秋卧疾諸君飛出花發毫鋒銳蟾明

桂影垂羞媒湘水鶴同暴呂梁髻深淺乘時尚升沉判

路岐穿雲孤鳥迅戴獲策月蹇驢疲陶先歸黯黯班荆別

礙礙按劍悲定香禁火爍古井耐風吹斂抑陳商氣弢

臣瞿秋甲呈進

藏宋玉詞從教當面笑冑皴乞憐眉欲矯直為枉難將

點換癡蒲團尋道侶吳僧燈巖時相過談禪論詩斗帳却妖姬友人置酒

侑以麗人笑而却之儻蕙誠非計蹲循亦自嗤九州皆窘步八口

鎮長飢窮鬼司操縱通人善信疑吾生湖海濶天運地

雷遲楚粵同迢遞乾坤盡別離予與古培同日出都休古培之楚予之粵

揮嗣宗淚好厲孟明師萬里令行矣羣賢共勉之據鞍

題短句何似聽猿詩

出塞詩一百韻

西北邊陲盡輿圖隔大荒堅昆曾達漢黠戛舊通唐俄羅

斯國在西北萬里外不知古之何國漢書堅昆東至單于庭七千里南至車師五千里唐號黠戛斯又號統吃

斯在廢遼州西北七千里乾元中為考古多疏畧傳聞
回鶻所破自是不通中國意即是也

悉渺茫縱云同覆載何自畫封疆旄鉞興東甸軼衡抵

朔方當年開廣漠定界築圍牆遼東極北數千里有地
曰雅克薩城與俄羅斯

極東邊柔遠風難問搜珍產必詳氣寒貂鼠富土厚藥

苗良地產貂鼠甌脫爭羗牧奸蘭啟攸攘偶然乖節制蠢

爾肆跳跟堦吏聞於上師干赫用張夾攻蕪水陸並進

銳梯航北征之師半浮東海鵝鸛紛搏擊鯨鯢忽潰七

畏威弛褫服慕義效壺漿下詔還俘係申盟示典常果

其誠納款奚務猛為防詔還所獲人民擇帥先謀穀命

大臣三人率師泣盟思賢更置璜選二漢清河官掌政司馬張渤

臣瞿秋甲呈進

海職含香司諫陳選吉齊濡轡臨期各峙振萬夫腰鐵

劍統帥各一僕裏書囊司諫邀戒道榴英燦五月二搖

空轟影颺居庸槐鬱鬱上谷麥穰穰過此無居室從來

是戰場田疇迷郡縣守禦茂金湯張家口以北皆漢唐

千里無耕種烽燧秦遺址綏要禹舊章卻移千里近橫截

九關長秦長城故址已不可考蓋徙而南不下千里矣

服之外要言語需重譯地名皆陲陀陟彼蒼地勢有樂郊

惟茂草飽飯止炮牂不生五穀畜食草人食畜以羊為

晝夜遷冬夏如書暑如夏早晚斯須變雨暘東雨西晴忽

雲瑋璇拋電彈雨電無時人皆赤碧巨虹梁雨後蟬平

撫雲集

海虞瞿氏鐵琴銅劍樓影鈔本

壤皆沙礫編氓雜犬羊但聞殊部落莫曉戀家鄉敗革
 舒為席穹廬密作房縫璫遮四面植釜爨中央馴畜環
 於外犬馬牛羊駝帳側周親卧在旁父子姑婦兄弟馬通焜
 熾炭用炊煮純糞溷傍低牀卧牀高不盈尺風習等非類
 厥心疑不滅初看吁可怪漸慣或毋妨瀦瀦稽鹽樂遼
 豐州有九泉殷繁遡定襄遼置豐州漢定空城存廢壘
 樂九州有大鹽豐州漢定空城存廢壘
 有空城遺址僅存土岡孤塔聳康莊有塔七級高二十
 并無瓦礫疑即豐州也
 額曰萬部華嚴經塔宛轉痕如玦峻嶒轟似檣名傳碑
 中署曰豐州在城塔
 晶扇塔中有碑載看經年月婦壁灑墨淋浪塔四壁題字
 姓塔名而無文字紀年月婦壁灑墨淋浪塔四壁題字
 蹟墨透灑經郭郭參差作保障翁阿饒險阻歸化貯倉箱

臣瞿啟甲呈進

過華嚴塔五十里曰歸化城塞外貯糧重鎮民居稠密
 屋宇類中國唐振武軍地城北翁阿嶺古黑山也城中
 有碑元仁宗延祐七年建亦謂此為豐州西去東受降
 城有餘里南去大同三百六十里東南去張家口千里
 著帽雙垂髮於男婦衣帽無別婦人以黑布卷髮如筒垂
 懸環稍辨粧婦人兩耳著環長寸餘癡情笑蘇武胡與
 子異俗信中行父死妻後母悉如中行說所云弟髡首都
 求儷僧皆有紅顏例諱孀夫死即嫁必歸徒嫌贈芍藥
 罔禁匹鴛鴦仍犯姦者壯麗排琳宇巍峩闢寶坊事幾同
 裸國號反竊空王俗奉喇嘛號庫土克兔華言活佛也
 論熊豹危峯瞰脂嫩卉昌陰山懷李廣陰山去歸化
 黑青塚揖毛嬙昭君塚去陰山四十里飛將銷金戟佳
 山撫雲集

海虞瞿氏鐵琴銅劍樓影鈔本

人瘞翠璫垣墉餘綠杏陰山之巔有闕隘如宮殿賸垂

揚昭君塚前瑠璃碎瓦布地意舊有宮殿數仞愁穿井

陰山以北罕遇流水掘井以汲三旬倦放韁蒙古邊界

或三四尺及泉或三四丈不得極北謂之喀嚕

給軍分水為三控弦分境畢堆石外藩當蒙古四十九旗

華言邊界也壘石累累以別界限無險可據過此為嚙

爾嚙不知古之何國或曰即蒙古別部也其地西接阿

魯或古之烏孫也北接俄羅斯顧盼增悲詫馳驅倍恐

有地名色楞格期於此迓我軍望坤軸洞成瘡地多軟沙

惶斗杓南壓頂北過明處已南望坤軸洞成瘡地多軟沙

可出不颺勁斜轟礮石亂飛坡窪厚襯糠沙色正佛狸應

退伏道濟曷勝量覆額高皮弁盤胸曲裊蒙古衣帽

此中全然不同暑天亦以狐獾作帽蒙茸立狐貉挺走

其衣上下兩截褶疊曲折類帶而方蒙茸立狐貉挺走

躍豺狼歲旱惡知禱民頑實召殃久旱水竭炎歊野全赭

獷悍眾相戕禽畜頓顛踣丁男半死喪骼骸蒸殍達衣

被亂屍僵之不知埋瘞棄嗟彼均生育那堪觀盡傷已

憐遭魃魃旋復掃椽槍其國主與阿魯忒構兵控惚羣

鴉散奔騰駭鹿狂挽繩疲婦女皆牽駝左衽泣兒郎逢路

白哲少年二人且泣且馳乃其國主子弟馳背眠啼穉鞍間掛缺折攀天憂

隕墜穴地憚堅剛惟一敗不可收拾台吉逃螻蟻台吉華

也其國主之弟專制一方遁去不知所往閼氏拆鳳凰阿魯忒奇兵夜叫號

招伴侶匍匐索耶孃白翟摧頭曼烏孫警武皇儘教雄

敵燼敢藐我軍強鳩古侏儻對蟲文鄭重將阿魯忒遣

撫雲集海虞瞿氏鐵琴銅劍樓影鈔本

臣瞿啟甲呈進

自言兩國相讐與中朝無預汝讐從憤憤君命凜煌煌
文書紙墨精好三譯乃可通

宣諭聊頒檄嚴程便趣裝慰諭使臣訖即取道進發龍旂晨掣電虎

帳暮屯霜戎士離風鶴吳儂騁驕驕影流八尺練響迸

四蹄鋼軍中有馬不可控馭予斥鹵霑焦吻掘井得枯

莖誑餓腸馬齧枯草延晶瑩瞻峭嶺有山石如雪礪遇崇岡有岡

萬石林立奇怪不可名狀然本平地帶繞涓涓溜茵鋪

而非山也不知何名號之曰奇石岡

細細芳其地稍弓刀姑暫憇旌旆尚遙望眾議全師進發屯此以待

二游戲尋鮮食軍士步過征蓄庾糧去色楞格地茲行

非避暑鎮日快迎涼欵枕窺圓月披裘送夕陽笳鳴雕

奮迅有皂雕擊黃羊方挾其去雷震雁翱翔六月雨後多雁鞅掌

臣瞿啟甲呈進

臣甘勉勤勞 帝不忘兵符抵胸行温旨出明光上知兩國

之亂遣使拔寨驚魂定廻轅喜氣揚纔欣逢戴笠錯認

到維桑望見蒙古衣冠皓魄團冰鏡實筵醉羽觴入都時值

秋久能安鎖甲翻覺怯羅裳是役真奇絕吾生乃試嘗

賦詩臚景物留向故山藏





臣瞿啟甲呈進

